

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 2. [i.e. 3.] De obligatione beneficiorum.

[urn:nbn:de:hbz:466:1-61816](#)

§. II. DE REQVIS. AD BENEF.

Molina. I. tr. 2. disp. 96. Azor. I. l. 5. c. 3. Soto
I. de iust. q. 6 n. 6. Less. c. 29. d. 8. Zerola par. 2.
v. clericus Tanner. lo. cit. quamvis alii con-
tradicant cum Nav. c. 25. n. 118. & Carbo
qu. 61. de restitutione. Patet 1. Ex com-
muniore illâ sententiâ , de quâ in Pro-
legom. nostris §. 8. Quod leges pœnam san-
cientes non obligant ante sententiam ju-
dicis declaratoriam, nisi aliud in ipsa lege
exprimatur. V. Tolet. I. 8. c. 20. II. Re-
pugnat aliter facta executio justitiae Chri-
stianæ, quæ lenimento Charitatis & man-
suetudinis temperanda est , iuxta illud
Matth. 18. v. 33. nonne oportuit & te misereri
conservi tui , sicut ego tu misertus sum?

XI Idem dicendum est, de his, & si-
milibus. Fructus non fac at suos , ipso
facto fructibus aut proventibus privatus
sit, careat, amittat , &c. Navarr. c. 25. n. 121.
Henr. I. 13. c. 56. n. 2. & 3. Azor & Less. sup.
citat. Zerola par. 1. v. Privatio. Nam eiul-
modi verba non necessariò inferunt obli-
gationem dimittendi jam perceptos fru-
ctus, esto dominium amittat. Neq; enim
repugnat aliquem fructus etiam non suos
conseruare, iis uti, & frui , quemadmo-
dum Usuarii solent. Addit Tann. I. cit. n. 183.
probabile videri, nec post sententiam cri-
minis declaratoriam beneficium relin-
quendum, & fructus restituendos esse, an-
te peculiare mandatum , & executionem
judicis. Covar. de matrim. par. 2. c. 6. §. 8.
Azor & Less. citati. V. par. III. st. 16. §. 2.

§ III.

De Residentiâ, & Horis Canoniciis.

Q Vicung; habent beneficium cu-
ratum, jure divino residere de-

bent, & per se obire munus suum. Colli-
gitur ex c. 12. Ierem. c. 3. Ezech. c. 10. & 21.
S. Ioann. & c. 20. Act. Apost. quibus con-
sonat. c. adhac. c. extirpande. de præben. c. quia
nonnulli de cler. non residentib. & c. licet de
elect. in s. Quos Canones Conc. Trid. sess. 23.
c. 1. acceptat , & confirmat. Cum, inq. it,
præcepto divino mandatum sit omnibus,
quibus animarum cura commissa est, o-
ves suas agnoscere, &c. declarat sacro-
sancta Synodus omnes patriarcha'ibus,
Primalibus, Metropolitanis, ac Cathed-
ralibus ecclesiis quibuscunq; quæcunq;
nomine aut titulo præfectos, etiam si S. R.
E. Cardinales sint , obligari ad personale
in sua Ecclesia vel diœcesi residentiâ,
ubi iniuncto sibi officio defungi tenean-
tur, neq; abesse posse, nisi ex causa & mo-
dis infra scriptis. Et post aliqua. Quoniam
autem, qui tantisper tantum absunt , ex
veterum Canonum sententia non viden-
tur abesse, qui statim reversi sunt, sacro-
sancta Synodus vult illud absentia spa-
cium singulis annis sive continuū, sive in-
terruptum extra prædictas causas nullo
paecto debere duos aut tres menses exce-
dere, & haberi rationē, ut id ex causa fiat.
Ita Conc. Trid. Nay. c. 25. n. 121. Sily. V. resi-
denta. Catharin. in tract. de resid. Tanner III.
d. IV. q. 6. n. 187.

II. Idem de iis dicendum qui benefi-
cium non curatum, sed simplex obtinent,
quodvis tenuerit, requiri videlicet, si jus cō-
mune spece, assiduum commemorationem
sue residentiam. Abb. in c. conquerente, & ro-
to ferè titulo de cler. non residentibus , ubi
Barbosa. Verum id ex jure Canonico &
humano tantum provenire probabile est,
& horum temporum *consuetudo obti-
nuit, ut abesse liceat saltem in quibusdam.

Imò

Imò quoad Curata, & Dignitates maiores, nec non Canonicatus ecclesiarum Cathedralium in Germaniâ nostrâ juris rigorem temperavit usus. *V. declar. Co. Tr. n. 27.* Quamobrem uniuscuiusq; regionis, ac diœcesis statuta, & usit probabili recepti mores attendendi sunt. *Innoc. in c. si. de cler. non resid. Glo. in extray. Ton. XXII. suscepiti de electione in v. residentia. Ost. Io. Andr. Panorm. Navarr. c. 25. n. 121. Barb. int. pervenit de appell. Azor. H. l. 7. c. 7. Comitulus l. 1. q. 61. quin. 4. addit.* peccatum esse mortiferū canonicis, si non conveniant in templo ad canendas divinas laudes; idq; ex gravitate pœnae collegi, quæ sit depositio c. ult. dist. 92. Præterea nondum consuetudine imperatum esse, ut Canonicci per aliū inservire possint. Quod majori dñquisitione & declaracione indiget.

III. Qui absq; legitimā causā absunt, fructus beneficij non faciūt suos, iisq; privādi sunt causā prius examinatā c. ex parte x. & seq. de cler. non residentib. *Conc. Trid. sess. 23. c. 1.* ubi indicatur, curatos, qui non resident, tutā conscientiā usurpare & retinere fructus non posse: quod aliqui putant in eo rigore receptum non esse, dummodo per Vicarium, absque damno administretur officium, quod curandum utiq; semper ab iis, qui quarumq; ex causā à loco residentiæ suæ recedunt. *Lancelotus l. tt. 19. Moscomius l. 1. c. 21. c. fin. Franc. Leo partez. Thesauri eccles. c. 132. Laym. l. 4. tr. 2. c. 6. Ign Lopez in pract. c. 54. Lud. Lopez par. 2. instructoriis c. 98. Silv. V. residētia n. 6. Armilla god. n. 3.*

IV. Causæ excusantes à continua residentia generatim quatuor sunt, puta, Charitas, Necesitas, Obedientia, & evidens Ecclesiæ, vel reip. Utilitas. Ad Char-

tatem spectat amor sublevandi proximū in rebus adversis, componendi lites, & reparandi amicitias, sublevando inopes, afflictos & opressos. Ad Necesitatem aer, infectus, ægritudo, inimicitiae capitales, lis de beneficio mota: quin etiam pro peregrinatione aliqua ab episcopo impetrari licentia potest. Obedientia causa abesse potest Beneficiatus mandato Papæ, vel occupatus servitio Curiæ Apostolicæ. Verum maior aliquanto in Curatis causa requiritur. Deniq; Ecclesiæ utilitatibus serviunt negotia expedienda, Synodus ecclesiastica, vel Imperatoria docere vel addiscere Theologiam, Philosophiam, & ius Canonicum, Qui Theologiae aut juri Canonico student, abesse possunt etiam sine speciali licentia annis quinque secundum iura: alii tamdiu, donec cursum absolverint. Illis vero, qui docent ac profitentur, nullum tempus definitum est. Excusantur quoque duo Canonicci, & inter praesentes numerantur, qui episcopo adsunt, & inserviunt, ac multo magis qui summo Pontifici, modo id fieri principaliter ad serviendum, non vero ad procuranda beneficia secundum Angelum. *v. clericus 7. s. 2. Navarr. c. 25. n. 121. Barb. l. 3. vot. decis. dub. 2. Lud. Lopez p. 2. instruct. c. 98.* No. 1. Quod de Canonicis episcopo absentibus dicitur, non de solis Cathedralibus intelligendū esse ex c. decatero de cler. non residentibus, sed etiam ecclesiarum Collegiatarum, quia nullum inibi verbum est, quo excludantur. No. 11. Licet eiusmodi absentes non percipient distributiones quotidiana ordinariæ, si tamen in his solis redditus continerint, earum participes fore ne privilegium juris inutile reddatur.

datur. *Garcia c. 2. Monet. q. 8. Barb. in c. de cetero l. 6. annotationes ad c. 1. sess. 23. Conc. Trid. de necessitate residendi.*

V. Beneficiarius, cuius redditus ad vitæ sustentationem quocunq; modo sufficiunt, ad legendum Horas Canonicas tenetur. Sic enim ex c. *Elcutherius c. Presbyter mane & c. clericus victum dist. 91.* colligimus, & supponitur à *Concilio Lateran. sub Leone X. ubi sess. 9.* privatim fructibus suis, qui Horas Cano. non legunt. *v. Bellarm. l. 1. de bonis operib. c. ult. Bonart. l. 2. de Hor. Can. c. 4.* Dixi. Cuius redditus sufficiunt. Nam si adeò tenues fuerint, ut non nisi tertiam partem necessariæ sustentationis, adferant, non videntur obligati quibus obveniunt, saltem ad omnimodam & plenam recitationem. Octo aureos non sufficere putant aliqui; ut *Sotus l. 10. q. 5. art. 3. alii 16. ut Sanchez & alii apud Fagund. de præc. Eccl. pag. 92. alii 20. ut Ledesma:* nec quisquam, nisi in pacifica possessione sit, obligari videtur. *Silv. n. 3. Armillan 1. Less. c. 34. d. 31. Bonacina 10. 1. pag. 51. Reginaldus l. 30. tr. 3. c. 4. Toleatus l. 2. c. 12. Sanch. l. 2. Conf. d. 62. pag. 246. Diana p. 2. tr. 12. ref. 9. & p. 5. tr. 5. refol. 25. Layman. l. 4. tr. 2. c. 5.* Cæterum valde conveniens est tum Ecclesiæ, & fundatorum intentioni, tum ipsius beneficiarii conditioni & tacite promissioni ut si, tenues redditus percipiatis, saltem aliquoties per annum, puta, festis diebus, prout pia ratio dictaverit, preces horarias persolvat.

No. Prædictam exceptionem de tenui beneficio, maior Theologorum pars, & si Fagundez pag. 93, credimus, communis juris Canonici interpretum schola non admittit, à qua sibi ipse putat non esse

recedendum: quia in c. *clericus dist. 91.* statuitur, ut clericus, qui ab ecclesia sua commodè non alitur, querat artificium aliquod, ex quo victum & vestitum paret, vel ex agricultura post sui munieris & officii penum persolutum. Adde, quod accessorium sequitur principale, hoc autem est spirituale jus ad colligendos fructus, quamvis tenues: ergo obligatio recitandi horas, tanquam accessoriū debet sequi. Præterea qui sciens ac prudens pauperem uxorem duxit, altere tenetur & subire omnia matrimonii onera; Item qui militiae nomen dedit pro exiguo stipendio tenetur militare pro filio. Deniq; hic non intervenit propria comulatio unius rei æqualis pro alia, ut in cæteris contractibus: ac preinde non licet ita argumentari: Beneficium est tenue, & quod percipio parum est, ergo vel nihil, vel parum pro eo orandum est. Ita ferè Fagundez, qui non facilè persuadet, nisi manifestè doceat, mentem ecclesiæ esse, ut pro parvo & magno proventu idem onus portetur. Deinde quid fiet nobilibus, an quia non sufficiunt redditus, artificium vel agriculturam exercebunt? Maneat igitur prior opinio probabilis, et si posteriorem ut magis piam uadeamus.

VI. Qui horarum lectionem absq; iusta causa negligit, duplē contrahit, nimirum peccati mortalis, & restituendi fructus perceptos. Est communis opinio, supponendo Decreta summorum Pontificum recepta esse. Evidem de peccato sic intelligi debet, ut aliis in rebus, peccatum fore mortiferum, si notabilis pars omittatur, qualis est Vesperarum y. g. aut Completorii: nec adit alla

ulla causa, quæ excusare queat.

De restitutione fructuum extat Decretum Concil. Lateran. sub Leone X. sess 9. Cap. 9. ut nemo beneficium habens, qui clapsis 6. mensibus ab eius consecutione, sine legitimo impedimento officium divinum recipere omiserit pro tempore, quo non recitavit, fructus suos faciat: immo teneatur eos, tanquam rem injustè captam impendere in fabricam beneficij, aut in eleemosynas pauperum. Idem statuit Pius V. in bullâ relatâ à Navar. c. 25. nu. 122. Vbi DD. duo notanda monent. Primum est, non requiri sententiam declaratoriam Iudicis, sed ipso facto restituendos fructus esse: quod dicat, ut iniuste perceptos retineti non posse. Alterum, restitutionem faciendam pro ratâ omissionis, hoc est, ut quanta fuerit omissione, tanta sit restitutio pro neglectu omniū horarum unius diei, redditus illi temporis respondentes, pro dimidio die dimidiā partem, & sic consequenter. Verum, quod aliqui urgent, contra iustitiam peccare omnitem, adeoque ex naturâ rei & jure naturali ad restitutionem teneri, nondum satis exploratum est. De restitutione quoad proportionem, seu prorata verum est, si Canones cum isto rigore recepti sunt. Certe usus, & praxis horum locorum aliud indicare videatur: cum videamus ab episcopis neminem conveniri, aut puniri propter neglegitum horarum Canonicarum, licet, multos esse reos planè manifestum, & notorium sit.

Quod verò Reginaldus n. 44. cum Suario dicit ab hominibus doctis, & piis non dubitari, quin Bulla Pii V. ita sit usu recepta, ut obliget, vel supponit ubique promulgatam & notam esse, vel sufficere promulgationem Romæ factam: quod utrumque

incertum est, cum multi Religiosi, ad eoque publici professores ignorarent citatam Bullam, nisi in libris aliorum editis legissent. Probabile igitur est, quod etiam Hermannus Busenbaum novissime scripsit in Medulla Theologia moralis, ubi Bulla Pii V. non est recepta, beneficiatum ad dictam restitutionem non teneri. Vnde ulterius sequitur, non committere duplex peccatum, videlicet contra Iustitiam, & contra Religionem simul: sed contra Religionem tantum. Diana p. 2. tr. 12. Resol. 22. Silv. V. Clericus IV. §. 23. Zerola Par. 1. v. Beneficia. pag. 93. Escobar Tr. 5. Exam. 6. c. 13. ¶

Non deerunt, scio, qui hanc opinionem laxitatis accusent, quibus, quæ Sanchez tradit l. 2. Consil. D. 82. an. 2. oppono. Decretum hoc (: Concilii Lateran.) quidam dicunt non esse usu receptum, & sic ex vi illius non obligari beneficiarios non recitantes restituere fructus. Ita nonnulli valde docti recentiores Magistri in suis scriptis Et Simancas l. 1. Inst. Cath. tit. 9. nu. 208. dicit, dubitari probabiliter posse, an hæc pena obliget omnino in foro conscientiae, quia hoc decretum usu non est receptum, & paucis innotuit. Et Sotus l. 6. q. 1. a. 6. ad 1. dicit nondum planè sciti, an fuerit usu receptum. Alii verò dicunt, statutam in hoc Decreto magis videri penam, quæ iuste à Praelatis imponi potest, quam ut quis ad eam perle teneatur. Sic Petrus Soto l. de inst. Sacerd. Tr. De Vitâ Sacerdotum lect. 4. V. Nec illud. Et non abhorret ab hoc Melina l. 1. instr. Consil. c. 14. §. 11. Nam inter solutiones quas adhibet ad motum proprium Pii V. qui est confirmatio Concil. Laterani altera est, quod sit penalitatem, & obliget post Iudicis sententiam: Alii verò dicunt decretum Concilij Lateran. obligare, sed non eo ri-

E

gore,



§. III. DE REISD. ET HORIS SAN.

gore, quo sonat. Non enim tam rigidè usu receptum est. Vnde beneficiarius qui unā vel duabus diebus non recitat, non est cognitus ad fructuum restitutionem, qui correspondent illi diei, quia beneficium non tantum datur pro horis recitandis, sed etiam pro aliis officiis &c. Ita Sanchez.

VII. Iusta causa & legitimam impedimentum excusans omittentem Horas à culpā & poenā restitutionis ex communisensu DD. censetur I. Oblivio involuntaria II. Inculpabilis inadvertentia III. Ignorantia inculpabilis, ut si quis à viro docto vel Confessario audierit, se non teneri ad recitandum primo anno obtenti beneficij, cùm decessori suo fructus persoluuntur, aut quid simile IV. Impotentia lóquendi, cæcitas, carentia libri. Nam Concilii Lateranensis mens, ut ex verbis Decreti satis apparer, non punit nisi culpabiliter omittentem, & fructus beneficij ob id iniuste percipientem. Vnde etiam requiritur culpa mortalis. Sic ferè Bonarij De obligatoriar. Canonic. l. 2. c. xi. pag. 387. addens, dictam Concilij legem non videri tam strictè, ut sonat, ubique obligare. Nam Sons pro omissione totius diei nihil putat restituendum: Medina verò pro diebus octonihil restituendum: quin etiam si toto anno omittatur, non esse totum integrè & exactè solvendum, sed mediocrem partem fructuum posse reservari. Quæ opinio ut non recipiatur, recipi tamen alia aliorum potest, qui existimant Episcopum vel parochum Horas Cano, omittentem uno die, tantum obligari ad restituendam quintam partem fructuum, retentis quatuor pro aliis oneribus: Canonicum verò satisfacere, si quartam partem restituar; alios si tertiam, quia nimis præter offi-

cij horarij obligationem alii labores subeundi, ut in Curatis & Parochis manifestum est. Bonar. loc. cit. Bonacina tom. 1. pag. 540. Zecchus De beneficiis cap. 3. Conradus Q. 240. in add. Tol. l. 2. c. 12. Henr. l. 3. c. 13. 84. V. Beneficium. n. 58. Less. D. 32. n. 177. Rodriq. in sum. c. 146. n. 4. Layman. c. 5. n. 1. Escobar Tr. f. Exam. 6. c. 10.

VIII. Canonici, & alii omnes Choro addicti divinum officium per se in Ecclesiā iuxta receptam & approbatam consuetudinem persoluere debent, nisi aliud postulet necessitas; consuetudo, vel fundatio. Hinc Concil. Trid. Sess. 2. 4. c. 12. loquens de Canoniciis & aliis Beneficiariis Choro deputatis. Omnes divina per se, & non per substitutos compellantur obire officia, & Episcopo celebranti, aut alia Pontificalia exercenti assistere & inservire: atque in choro ad psallendum instituto hymnis & Canticis Dei nomen reverenter, distinctè, devote que laudare. Ita Conc. Atque hæc videtur prima & radicalis causa chori instituendi fuisse, à quâ, immane quantū, hoc ævo defecimus. Caiet. V. Hora Can. Silv. eod. §. 3. Nau. De horis Can. c. 16. n. 5. Et de orat. c. 10. n. 47. Roder. in sum. p. 1. c. 145. Zecch. de rep. Christiana c. 24. Az. l. 10. c. 11. q. 11. Less. c. 34. n. 184. Suarez. II. de Relig. l. 4. c. 12. Laym. l. 4. tr. 2. c. 7 Arragonus Q. 3. art. 13. pag. 641. Barb. De Canoniciis c. 34.

§. IV.

De fructibus beneficiorum, & aliis bonis.

I. Fructuum nomine continetur, quicquid ex re percipitur, deducitis expensis. Nam quicquid percipitur ex re, est in fructu, seu reditu Abb. in c. Pa-
storialis